

Tito

Juu' la- ga-sii' Paa' kih' Tito

1 ¹ Jnää' Paa' jmeen' ta' kih' Dio, hi' laan' apóstol kyaa' Jesucristo he-ja- jmeen' juu' kih' hi- na-lee'h' kyaa' Dio, mah' lä'dsoo' dsëy' kiyh' hi' lä'jwë' ja- lä'ngëëy' ha- lä' la' ju'dsoo' he- tøøh' jne'. ² He-ja- kye' jne' o-jøh' dsë- he- chaa- jne' tää' lä'jë- joh' jmi' cha-, lä'koo- ga-bääh- Dio hñii' ja-ga' llay' jmi-gyuu'. Hi' sa' ta-juuy'. ³ Lä' ma' ga'lloo' jmi', ga'mi-jnäy- juu' kiyh' he- na-hñaan' kwan' lä'koo- mada' ga'jmeë' Dio hi- lää' jne'. ⁴ Siin' kyah' Tito, hne- laah' lä'koh' gyuu- kyaan' ta-la' kih' he- ma-dsoo' hoh' kih' Dio ko-jøh' kyaah' jnä'. Ngiin' kih' Dio hi- laa' Täa' jnän' hi' ngiin' kih' Jesucristo Dsa-jøøh' jnän', hi- ga-lää' jne', wa' kway' he- llu' kyah', wa' lä-nih' dsëy' hne-, hi' wa' jmeey' hii' tii' kyah'.

Ha- lä- hnøø' kih' hi- kye- në- kih' øøh' jne'

⁵ Ga'llaan' hne- Creta (hwa' he- hä' jee' jmi-ñeeh') mah' mi'hñaah' ta' he- ga' hnøø' le'. Hi' lä'kaa- jwii- jee' gooh', ja- hñaah' dsa-gyuu'h' kyaa' lä'koo- lä'koo- gwah', lä'koh' mada' ga'jmeen' kyah'. ⁶ Hnäa' jaa- hi- sa' na-bääh' ni' miih- dsoo', jaa- dsa-ñuuh- hi- kyaah' jaa- ba' dsa-më', hi' hnøø' ma-dsoo' dsë' chih- kyaay', hi' jaa- hi- sa' hii' juu' kih' chih- kyaa' he- jmeey' wa' he- cha- he- hi' ni' sa' chaayh-. ⁷ Jmeë' bii' kih' dsa-gyuu'h' he- sa' na-bääyh' go-te- lä'llu' he- hä' gooy- ta' kih' Dio. Hnäa' jaa- hi- sa' jmää' hñii' jøøh', jaa- hi- sa' lä'lee' chah', jaa- hi- sa' hih-, jaa- hi- sa' hnee-, jaa- hi- sa' hee' dsë' kuu'. ⁸ Hnäa' jaa- hi- kwa- jee' ja' dsa- hi- go-nää', jaa- hi- hnooh- ma-la' he- llu' ba', jaa- hi- ngë- koo- nëe', jaa- hi- jmeë' he- llu' jmah', jaa- hi- na-jngëe', jaa- hi- lih' häa' hñii'. ⁹ Hnäa' jaa- hi- choøh- koo- hwëh- ju'dsoo' he- ma-mi-tëë' jne', mah' lä'ja- hlëëyh' jñah' dsa- kyaah' ja-ba' juu' la-. Hi' lä'ja- ba' liyh' lla-dsëy' kih' hi- hlëeh' wii' kih' ju'dsoo'.

Ta-jwoh' hi- kwa- juu' ta-juu'

¹⁰ Peer' chaa- jwëë' hi- chaah-, hlëëyh' juu' he- sa' jmää' ta', mi-gaay- dsa-. Hi' jee' kih' lä'jëë- hi- he', jwëë' hi- jäh', jmeë' bii' uu'h' jmi-ngo' kih' dsa-ñuuh-. ¹¹ Jmeë' bii' jne' jwë' kiyh' mah' mo-so' hlëeh' gyih' juu' he- sa' jmää' ta'. Kyaah' juu' kiyh' ga-näy' lä'joh' hne' chih' heey- dsë' lä'jah' hi- tääh' cha'neh', mi-tëëy' dsa- he- sa' lle' kih', lä'jwë' jee' liyh' kuu'.

¹² He' ba' dsa- hi- ngëë- juu' kih' dsa-gooy' jäyh' lä-la: "Jne' hi- tøøhn' hwa' Creta la-, peer' ta-juu' jne'. Ma-ra' jah' hlëeh' laa' jne', jwëh' jne', jlaa' jne'", ga-jäyh'. ¹³ Ma-ra' ju'dsoo' na- lä'ja- laa' dsa- he'. He-ja- jwëëhn- hne-, hwëh- juuh' kiyh' mah' dsa-taayh- na-jngëëy' kyaah'

ju'dsoo' ba'. ¹⁴ Ta' wa' jmeey' he' juu' ma-gyuh- kih' dsa- judiu, ni' sa' wa' jmeey' he' nuuh- he- kwa' dsa- hi- ma-be' ju'dsoo'.

¹⁵ Lä-jë' ba' he- cha-, llu' ba' la' kih' hi- lluu'. Pero kih' hi- na-hee- dsë' kyaah' hi- sa' ma-dsoo' dsë' kih' Dio, ni' koo- sa' llu' kiyh'. Ma-na-hee- go-te~ lley', hi- lä-kye- huudsë- kiyh' na-hee'. ¹⁶ Jäyh' kyuyy- Dio, pero kyaah' he- jmeey- ja-, sa' dsoo' juu' kiyh'. Peer- sa' lä-jëe' jne' lä-koo- jmee- dsa- he', peer- chaayh-, mo-so' jmäy- jmeey' ni' koo- ta' llu'.

Ha- lä- hnø' jmee' dsa- lä-jiih' jäh' Jesús

2 ¹ Pero hne-, hlëeh' ba' hne- lä-koh' la' ju'dsoo' he- ma-mi-tëe' jne'. ² Lä-jëe- dsa-gyuu- hnø' ngëy' koo- nëe' ba', hnää' jaa- hi- hä' ta' kih', jaa- hi- hää- hñii', jaa- hi- ma-kyuuh- he- ma-dsoo' dsë- jne', jaa- hi- hnää' dsa-, jaa- hi- kwëeh- dsë' ma' cha- he- wi'. ³ Ja- ba' lä-ja- lä-jëe- dsa- ma-hyaa', hnø' cha- nuuh- kiyh'. Sa' wa' kooyh- juu' jwi', sa' wa' hiyh' jmih' mi-jeh' ma-ää-, hi- hnø' mi-tëey- dsa- he- llu' jmah' ba'. ⁴ Hnø' mi-tëey- dsa-më' kwaa- ha- lä- jmeey' mah' lä-hnäy' dsa-nuuh- kyaay' hi- lä-ja- lä-hnäy' gyuu- kyaay'. ⁵ Hnø' häy- hñiiy', hnø' ngëy' koo- nëe' ba', hnø' høoy' cha-neh- kiyh', hnø' llu' dsëy', hnø' hwaay' kyaah' dsa-nuuh- kyaay', mah' ni- jaa- sa' wa' mi-kwah' juu' kih' Dio.

⁶ Ja- ba' lä-ja- hnø' hlëeh' dsa-nuuh- kwaa- mah' häy- hñiiy'. ⁷ Hne- to-në', jmee' he- llu' jmah' ba' mah' lä-tëe- dsa- jmee' lä-koo- jmeeh-. Ja- jmeeh- hne- ka-läh' ja- ba' lä-koo- mi-tëeh' dsa-, ta' wa' ta-juuh' kih' dsa-. ⁸ Hlëeh' dsa- juu' na-jngii' he- sa' toh- wi' mah' lä-jëe- hi- na-høoh' jä- o-hih- kih', lä-ja- mo-so' cha- he- kih' hlëeyh' wi' kyah' hnäh'.

⁹ Chiih' hi- jmee' ta' kih' dsa-, wa' jmeey' lä- tih- dsë' juuy' ba', sa' wa' jiiyh' juu' kyaayh'. ¹⁰ Chiyyh' sa' llu' hëey' dsa-juu' ta'. Wa' mi-jnäy- he- laay' jaa- hi- mi-te' kih' lä-jë' ba'. Lä-ja- jëe' dsa-, jnaah' llu' juu' kih' Dio hi- lää- jne'.

¹¹ Jëeh', na' ma-lä-jnä' kih' lä-jëe- dsa- ha- lä-koo- llu' dsë' Dio kyaayh' mah' lä-ja- lääy'. ¹² Ju'hmëe' he- mi-tëe- jne', sa' kwa- jwë- jmeen' he- hliih', ni- he- jmeen' he- hee' dsë' jmi-ngo' jnän'. Lä-ja- mi-tëe- jne' ngën' koo- nëe' ba', jmeen' he- llu' jmah', hi- he- hnäahn- Dio ta-ko-jiih' tøoh' jne' jmi-gyuu- la-. ¹³ Hi- ga-nø' ba' jne' jøon' lä-jiih' lä-jnäy' Jesucristo hi- laa' Dio Jøoh' jnän' hi- lää- jne'. Peer- jnaah' le' jmi' ja-, he- ja- jmee' chaa- jne' llu' ta-ko-jiih' tøohn' jøon' he- lä-te' juu' ja-. ¹⁴ Hi- he' na- ga-ngëe' hñii' ta-la' jnä' jne' mah' lääy' jne' kih' lä-jë- he- hliih' hi- lä-ja- jmäy' jne' na-jngëe' go-te~, mah' lee' jne' koo- nää' dsa- kyaay' hi- hee' dsë' jmee' he- llu' jmah' ba'.

¹⁵ Mi-tëe' dsa- juu' la-, hlëeh' dsa-, juuh' kiyh' lä-koo- mada- nuuh', mah' ni- jaa- sa' wa' mi-kwah' hne-.

3 ¹ Mi-dsooh¹ dsëy¹, wa' jmeey' he' hi⁺ wa' nuuyh' mada¹ he⁻ jmee⁺ lä⁺jëë⁺ dsa⁻ta¹, hi⁺ wa' lla⁺ dsëy¹ jmeey¹ he⁻ llu¹ jmah¹ ba'. ² Sa⁺ wa' hlëeyh' wii' kih¹ dsa⁺, sa⁺ wa' llay⁺ hnii⁻. Wa' llu¹ dsëy¹ kyaah¹ dsa⁻, wa' jmäay¹ hñiiy' hwaä¹ kyaah¹ lä⁺jëë⁺ ba'.

³ Jëeh', lä⁺kye⁻ jne⁺ ma' taa⁻ jne⁺ jää¹, ma' chaah⁻ jne⁺, sa⁺ nuuh¹ jne⁺, ma' na⁻hëë¹ jne⁺ kih¹ Dio, ma' laa¹ jne⁺ kyaä¹ lä⁺jë⁺ he⁻ ma' hee⁺ dsë⁻ jne⁺, ma' tih⁻ dsë⁻ jne⁺ na⁻ku⁺ na⁻ngii¹ he⁻ hliih¹, ma' hñaa⁻ dsë⁻ jne⁺, ma' wii⁺ dsë⁻ jne⁺, ma' na⁻høøh¹ dsa⁻ jnän¹ hi⁺ ma' na⁻hää¹ jne⁺ dsa⁻. ⁴ Lä⁺koo⁻ ma' tøøh¹ jne⁺ lä⁺ja⁻, Dio jnän¹, hi⁻ lää[~] jne⁺, ga⁺mi⁺ jnäay⁻ ha⁻ lä⁺ llu¹ dsëy¹ kyaah¹ jne⁺, hi⁺ ha⁻ lä⁺koo⁻ hnäay¹ jne⁺. ⁵ He⁻ja⁻ ga⁺lääy¹ jne⁺ pero ja⁺ ta⁻lä⁺ kih¹ he⁻ ma⁻jmeey¹ jne⁺ he⁻ llu¹. Ga⁻lääy¹ jne⁺ kih¹ he⁻ ga⁺lä⁺nih¹ dsëy¹ jne⁺ ba', hi⁺ ga⁺jmeey' ga⁺lä⁺chaa⁺ jne⁺. He⁻ja⁻ la¹ lä⁺koh¹ he⁻ ga⁺gyeeyh⁻ jne⁺. Ga⁺laa¹ jne⁺ hmëë⁺ ta⁺lä⁺ kih¹ Jmi⁻lle⁺ Na⁻jngii¹. ⁶ Ja⁺ kyaah¹ hih⁺ ga⁺chee¹ Dio Jmi⁻lle⁺ kiyh¹ në⁺ jnän¹ ta⁻lä⁺ kih¹ Jesucristo hi⁻ lää[~] jne⁺. ⁷ Kih¹ he⁻ llu¹ dsëy¹ ga⁺jmäay¹ jne⁺ lluu¹, lä⁺ja⁻ hñah⁺ jne⁺ heen⁻ he⁻ tøøh¹ jne⁺ jøøn[~] jee⁺ mo⁺so⁺ juu⁺ jne⁺ jih¹koh¹.

⁸ Juu¹ he⁻ ma⁻jwahn¹ la⁻, la¹ ju¹dsoo'. Hnoon¹ jmeeh¹ bii¹ kwah¹ juu¹ la⁻. Hlëeh¹ hi⁻ ma⁻lä⁺dsoo' dsë¹ kih¹ Dio mah¹ wa' ngëey¹ hñiiy' jmeey¹ he⁻ llu¹ jmah¹ ba'. He⁻ la⁻ ba' llu¹ hi⁺ jmää¹ kih¹ lä⁺jëë⁺. ⁹ Ta⁺ kwaa⁺ hñaa¹ kyaah¹ juu¹ he⁻ sa⁺ jmää¹ ta⁺ hi⁺ ni⁺ kyaah¹ juu¹ ha⁻ lä⁺ ma' laa¹ ma⁻hyaa¹ ta⁻gyuuh¹ jnän¹. Ta⁺ taah⁺ hñaa¹ jee⁺ tääh¹ dsa⁻ hi⁻ ti⁻choo⁺ juu¹ hi⁺ hi⁻ te⁻jëë⁺ kwaat[~] kih¹ ley¹ kih¹ Moisé. Jëeh' juu¹ ja⁻ sa⁺ jmää¹ ni⁺ miih⁻, ni⁺ sa⁺ kye⁻ ya¹jøø¹.

¹⁰ Cher'mah¹ jee⁺ kyah¹ hnäh', chaa⁻jaa⁻ hi⁻ hnøø¹ jmee¹ to¹ nää¹, hlëeyh¹ koo⁻ hä¹ to¹ hä¹. Hi⁺ cher'mah¹ sa⁺ ga⁺jmeey' he¹ juu¹ kyah¹, lleey¹ go⁻te⁻ ba'. ¹¹ Ma⁻nëh¹ ba' hne⁻, hi⁻ jmee⁺ lä⁺ja⁻, he⁻ ma⁻kayh[~] jwë¹ ba' ja⁻. Ja⁻ba¹ dso¹kye⁻ he⁻ jmeey⁺ ja⁻, bäayh⁻ dsoo¹.

Ga⁺hiih¹ Paa¹ juu¹ kih¹ Tito

¹² Wa⁻ra⁻ ga⁺të⁺ jee⁺ cheen⁻ Artema o Tíquico ta⁺ kyah¹, ja⁻ go⁺jëeh¹ jnä¹ chah¹ ta⁺ jwii⁻ Nicópoli. Jee⁺ ja⁻ jmeen⁺ hu⁺dsë⁻ dsa⁻ngëen¹ jii⁻ gyuu¹.

¹³ Wa⁻ra⁻ ga⁺lloo¹ Zena hi⁻ cheh¹ në⁺, kyaah¹ Apolo ta⁺ na⁺, ja⁻ jmeeh⁻ be⁺ kiyh¹ lä⁺jiih¹ jee⁺ le'. Ja⁻ kwëeyh¹ lä⁺jë⁺ he⁻ jmee⁺ bii¹ cha¹jwë¹ jee⁺ dsa⁻näay¹. ¹⁴ Wa⁺ lä⁻tëë⁻ lä⁺jëë⁺ øøh¹ jne⁺ jmeey¹ ta¹ llu¹ jmah¹ ba' mah¹ lä⁺cha⁻ he⁻ kyaah¹ jmeey¹ be⁺ lä⁺ ma' chaa⁻ hi⁻ lla⁻kyaa¹. Mah¹ sa⁺ dsa⁻taayh¹ lä⁺koo⁻ hi⁻ sa⁺ ma⁻jmeey' ta¹.

¹⁵ Lä⁺jëë⁺ hi⁻ tääh¹ kyaah¹ jnä¹ jee⁺ la⁻ jmeey⁺ Dio kyah¹. Hi⁺ jmee⁺ Dio kih¹ lä⁺jëë⁺ hi⁻ hnää¹ jne⁺, lä⁺llu¹ he⁻ ma⁻dsoo' dsëy¹ ko⁻jøh¹ kyaah¹ jne⁺. Wa⁺ mi⁺ jää¹ Dio lä⁺jëë⁺ hnäh'. Wa⁺ la¹ lä⁺ja⁻.